

Tremendo Clausura di Siman di Brazil



ORANJESTAD - Comision Eleccion Mosa Cultural y Centro di Bario Brazil a conoce siman pasa un tremendo fin di siman cu e eleccion di Mosa Cultural di 2013.

Desde trempa nos por a mira un Centro di Bario Brazil completamente yen pa cu a presencia di e eleccion di Mosa Cultural. Madre naturala tambe tabata contento y a manifesta su mes.

Pa banda di 9'or por a cuminsa e anochi cu a bira un anochi unda nos cultura, nos tradicion, nos norma y bailonan a keda grandemente proyecta. E publico por a gosa di un tremendo anochi unda tur candidata a bria riba escenario.

E cultura a keda refleha den e show cu cada un di e candidatanan a sa di presenta. Un cuerpo di hurado basta extenso a haya e dificil tarea pa saca nos Mosa Cultural 2013.

Pa exactamente 2'or di marduga nos a corona nos Mosa Cultural cu ta Sra. Ludwina Geerman, representando su grupo di baile Nos Cultura. Na e segundo luga a keda den nomber di Sra. Rosie Alberts kende tambe a duna un tremendo presentacion.

Na di tres luga a keda Sra. Seagrid Frans-Ras, na di cuarto luga Sra. Marcia Kock y



na di cinco luga Sra. Jarmaine Acosta. Un anochi yena cu canto, baile y refleho di nos cultura.

Comision di Brazil ta preparando pa e fin di siman pa cuminsa cu e preparacion di e parada Cultural unda varios grupo di folklore, baile y otro grupo musical lo forma un tremendo team cu lo subi riba caya, diadomingo awor 1 di september 2013 cuminsando pa 4'or di atardi. Ta spera tur



hende parti di mainta na Centro di Bario Brazil pa un tremendo dia familiar cu benta di cuminda, mata y tur local e mercado di Santa Rosa ta ofrese.

Un invitacion cordial ta bay na e henter e pueblo di Aruba, for di nos hubentud te na nos grandinan pa bin mira y disfruta local ta di nos. Di parti di Comision Elec-

cion Mosa Cultural y Centro di Bario Brazil nos ta gradici un y tur cu a aporta pa engrandecede nos cultura, e.o. nos Departamento di Cultura Aruba y su director Siegfried Dumfries. Pabien un biaha mas pa boso tremendo dedicacion y ban prepara cu pa otro aña nos por haci esaki uno mas grandi. Ta spera presencia di un y tur diadomingo awo. □

